

BANKE

Paša Gazela, e maj pašuni banka, savja si bankomato thaj kaj šaj te parruven pe love si ando *Sava centar* ⑤.

ČHIB

E manuša ande Gazela den svato rromane, srbicko thaj albanicko. Paša kadala čhiba den svato vi aver čhiba, save sićile kana trajisarde ande aver phuvja numaj but čhibaće forme thaj svaturja vi bistarde. E manuša, save či džanen kale čhiba, trubun, te von džan ande Gazela, te avel lenca jek manuš, savo džanel jek katar kale čhiba, te ažutin ando transleto. Naj importantno te den romane svato, šaj vi gadžikane.

DONACIJE

E manuša si bahtale kana vareko del len drze. Po angluno than naj len minije thaj čhavorrikane drze. Numa vi buća pala čher, čhelimaske buća pala čhavorra thaj elektroni-kaće djele si lačhe. Te naštik te thon len varekaj ando čher, atoskar bićinena len pe pišomengo pijaco.

DŽUVDIMATA

Trubul te lel pe sama katar e džuv-dimatandar, odolaći kaj von trajin ande bilačhe thana thaj naj len vakcinacija. Maj lačhe si, te na džan pašal kaj si džučela, save aračhen o čher thaj save si phangle angla čher.

FOTOGRAFIJE

E čhavorra andar e Gazela volin te čerdon lendar fotografije thaj kana dičhen e manušen, save čeren fotgrafije von lačharen pe thaj cipin »slika, slika!« (foto, foto) Numaj e manušen trubunas te fotografišin len te von kamena. E maj but manuša ande cara naj len but šajimata, von kokorre te čeren fotgrafije katar piri familija, odolaći si von but bahtale, kana o fotografo anel e manušende e fotografije, kana pale avel ande care. Fotografije šaj sigo čeren pe ande forografijako dućano *Alex* ande *Milentija Popovića* ⑤, vaj ando centro e Beogradosko ando dućano *Tony's* pe *Slavija vaj* ando *Elite Foto* ando činimasko maškar po *Trg republike*.

INTERNETO

Ando foaje katar o *Sava centar* ⑤ si jek publikako internetosko-terminali. Putardo si lo, kana čerel pe bući (Luja – paraštuiji 10–20 časurja, savato 10–16 časurja).

↖ Dikh e karta pe knjigako kapako

